



॥ १ ॥

नेपाःया चाय् बुद्धया ज्योति  
वहे ज्योतिं पिज्वय्कल मैत्री  
नुगलय् करुणा, नित्य-अनित्य  
धर्म-इतिहास, सभ्यताया चैतन्य ।




॥२॥

शान्त न्हयल्य् देवी खन, अद्भूत म्हगस  
तुयूम्ह किसिं हल पलिस्वां, शुभ लकस  
स्वक प्रदक्षिणा याना गर्भे वासकाल शान्तं  
पुत्र प्राप्ती योग दुर्लभ दिव्य संकेत ।




॥३॥

लुम्बिनी बनय् हवल छपवः स्वां  
प्रकट जुल सिद्धार्थ पवित्र धरतीस  
मुसुहँ न्हिला छिना क्यन न्हयपलाः  
ज्ञानया ज्योति त्वल जाज्वल्य जुइक थिना ।




॥४॥

राजमहलं बिल नां सिद्धार्थ श्रुतिमय्  
ऋषिपिन्सं घोषणायत भावी बुद्ध धका  
ज्ञान दिप च्यात, जुल जगत भलमल  
सत्यमार्ग, सद्मार्ग न्यनां सकल सफल ।




॥५॥

राजमहलय् जुल धुमधाम सिद्धार्थ बूगु लसतां,  
ब्राम्हणं कन थ्व मचा महान् जुइ  
कि त जुई ज्ञानी राजा कि त जुइ सन्यासी  
जाज्वल्य प्रकाश थें जगत उद्धार याइम्ह जुइ ।




॥६॥

न्हयन्हया दिं, मायादेवी वन चीर शान्ती  
सौम्य प्रतिक जुया त्वल क्रान्ति  
बुद्ध जुयमा धैगु मंगल आकाक्षां  
असिम आशिष माया अविरतप्रेम ।




॥७॥

छन्हू सेविकां याकचा त्वतावन वइत  
अनं सिमाक्वय् मिखा तिसिनाचवन सिद्धार्थ  
सिद्धार्थया थ्व अद्भुत ध्यान  
मन साल जुजु शुद्धोधनया अन ।




॥८॥

बालक सिद्धार्थ शान्त सरल सुशील  
प्रेमिल दयालु मन, कोमल विनम्र नुगलं  
थी थी पासा दथुइ समदृष्टि समव्यवहार  
थ्व हे करुणा जुल, बुद्धत्वया आधार ।




॥५॥

सकल सःस्यूपिके सिद्धार्थं ज्ञान काल  
भाषा, विज्ञान, वेद, ब्याकरण सय्कल  
भारद्वाजपाखे योग, ध्यान आदि सय्का  
खंकल वं करुणा, सत्यया महिमा ।





॥१०॥

करुणा जालः बाल हृदयसं शान्त संयम  
बाणकम्ह राजहंस याके नं उलि हे मनवं  
राजा हे दंग, न्यायया दीप च्याका क्यन  
सिद्धार्थ जगते मानव ज्ञानया लँपु क्यन ।





॥११॥



हवल उद्यानय् स्वां, मन हर्ष अपार  
छायपिल लाय्कु सारा, गुञ्जन जयकारया  
यशोधरा क्वच्छुना वगु, स्वरे राजलक्ष्मी  
सिद्धार्थनं हृदयसं हवय्कल मतिनाया स्वां ।



॥१२॥


आनन्द जुल थौं राजमहल  
न्हिलीजा: यशोधराया ख्वाल्य  
राहुलया जन्म सुखया प्रतिक  
हर्ष जा: सिद्धार्थ जुया रसिक ।






॥१४॥


हुला प्याखँम्बः त्यानुका ग्वारा तुल, फुत सौन्दर्य  
खन सिद्धार्थ मायाजालया संसार, विश्व विकार  
विलासया अन्धकार फुना चाल चेतनाया द्वार  
त्यागयात सुखसयल, मालेत सत्यया संसार ।






॥१६॥

मिखाय् अश्रु कण्ठकया थरथर म्ह  
राजकुमार मदुगु जगत सुनसान धरातल  
हिव्क-हिव्क यानां हृदयया सः तल  
त्यागयात थःगु शरिर सेवाया निष्ठा भाव ।





॥१७॥

त्याग यासे राजवैभव सिद्धार्थ जुल तपस्वी  
चव्यका लोभ मोह फुक्क लुइकेत सत्यया दृष्टि  
ध्यानस्य मनं थुइकल जगत दुःखया मन  
खंका बहुजन हिताय, बहुजन सुखायया मन्त्र ।





॥१८॥

अश्रुपूर्ण नयन छन्दकया, व्यथित सःगमन  
राजा शुद्धोधनं ध्वाथुइक फुक्क न्यन  
स्तब्ध जुल शुद्धोधन, दुःखी परिवारजन  
सिद्धार्थया स्मृति गमन, करुणां तरङ्ग भनभन् ।




॥१५॥

वोधि मन ज्वना बोधिसत्व राजगृह स्व स्व  
ध्याचः चुलू थथ्या कोथ्याः लँपू ववं  
भिक्षाटनया नीतिं गुलुपाः ज्वना भिक्षु समान  
संसारया दुःख थुईके धका च्याका मनया मतः ।





॥२०॥

पञ्चवर्गी पिस सेवायाका खुदं तकया दुस्करचर्या नं  
मलात इच्छापूरुणं बोधिज्ञान, थुजोगु हठयोग नं  
तोतल, प्रज्ञा रहितगु मार्ग, जुया अति क्वेकाली  
हाकनं शरण पोषणयात, आहार ग्रहण यानाली ।




॥२१॥


छन्हु स्वप्न खन विराट, पृथ्वी न्यक द्यनाया  
“बुद्ध जुई” धैगु निश्चित, स्वप्नया अर्थ छ्यानाया  
चीवर काल भिक्षाटन वन, उरुवल गाःमे  
तमाःगु बरमाःया क्वसं विज्यात विश्रामे ।




॥२२॥

शीतल पवन म्हिताचवन नैरञ्जना खुशिई  
राजकुमारं काल अन शान्तया अनुभूती  
गृहस्थ वस्त्र त्याग याना केश हाकुतिन  
थुबले हे दत आत्म प्रभाया स्वच्छ स्पन्दन ।










॥२५॥

नमुचिमार सपरिवारया नाना रङ्गी मार वल  
कल्प कल्पया दानादि दशपारमिता वसपोल कन  
पृथ्वीमाता साक्षी क्यनां, भूमिस्पर्श यात  
धात्थेगु पुण्य प्रभाव, मारगण बिस्त्यु वन ।




॥२६॥

समाधि लीन बोधिसत्व, भन्भन् शान्तजुल  
मध्यममार्ग थुइका प्रज्ञा ज्ञान कथन  
त्वलः बोधिज्ञानया ज्योति, जगत संसार उद्धार  
थुइकागु थ्व ज्ञान, सुयात कनेगु बिचाः यात ।




॥२७॥

सप्ताह ध्यानय् लीन जुल ज्ञानी जुया  
अनंलिपा सीमाक्वय् दतिवने विश्राम कया  
तपस्सु व भल्लिकया सतु कस्ति श्रद्धाया  
बुद्धं ग्रहण यानां बिज्यात, शुभाशिष बिया ।





॥२८॥

ब्रम्हा तकन नतमस्तक, बन्दनायात तथागतया  
ज्ञानज्योति ह्वला बुद्धं, मोक्षया लँपु क्यना  
शून्य जुल त्रिभुवन केवल जगत संसार  
करुणा व धर्मभावं जालः चराचर जगत ।




॥२५॥

मृगादाबनय् न्हापांगु धर्मचक्र प्रवर्तन बिज्यात  
चार आर्य सत्य उपदेशं मुक्तिमार्गं प्रदत्त  
पञ्च भदीय शिष्य न्यना हर्षित ज्ञानया प्रकाश  
बुद्ध वचनं जगत थिनाः, लुल दुःख निवारणया लँपू ।





॥३०॥

राजकुमार यशकुमार बुद्धया धर्मध्वनी ताल  
हृदयसं सत्यया तृष्णा, त्यागयात राजकाज  
मुक्तिमार्ग ज्वनेत दृढ, विश्वास कताकः ज्वन  
धन्य जीवन धासें बुद्धया चरणय् वन ।





॥३१॥

यशकुमार प्रवजित जूगु न्यना पासापिनं दन  
बिमल, सुवाहु, पून्याणी व गवम्पति फुक्क वन  
तथागतया ज्ञान उपदेश सुविचार ज्वन  
न्याम्ह पासापिं सकले अहर्त जुल ।





॥३२॥

सारनाथया बनय् थ्वल हाकन धर्मध्वनी  
बुद्ध वचनं जागृत यात शान्ति करुणा बाणी  
पञ्चशिष्य थुइकल मुक्ति मार्ग  
धर्म देशना ज्ञानया चक्रं जः ह्वल जगतय् ।




॥३३॥

गौतम बुद्ध स्वद्वः भिक्षु सहित राजमार्ग बिज्यात  
शान्तिया प्रकाश ज्वना मनय् सत्य दीप च्याकल  
मौन जुया नं धर्मया ध्वनी गुनुनू थ्वः सल  
दुःखया भुमरी पारयाय्त बुद्धमार्ग ल्यः धाल ।




॥३४॥

उपतिस्य व कालित नं सत्यया लँपु माःपि  
गौतम बुद्धया दर्शन दया अन्धकार हाकुतिपिं  
“प्रवज्या” काल ज्ञानमार्ग जीवन अर्हत जुपिं  
बुद्धया अग्रश्रावक जुया संसार उद्धार यापिं ।




॥३५॥

अभिमानं लखलख शाक्यपिं मुन  
नस्वागु धुं, धुपाँय, स्वां ज्वन  
नगर व दरबार सकभन आनन्दं छायापिल  
भगवान्या ऋद्धि खनां जुजुं प्रणाम यात ।




॥३६॥

थुज्वःगु महासमागमे जुल अज्जुचागु वर्षात  
भगवानं विश्वन्तर जातक धमोपदेश विज्यात  
कन्हेखुन्हू छँखापतिं भिक्षातनय् विज्यात  
जुजु शुध्दोधनयात सोतापत्ति मार्गफल प्राप्त जुल




॥३७॥

राजा शुद्धोधनं बुद्धयात कपिलवस्तु नगरे ब्वन  
बुद्धं करुणाया दीप च्याकल अन हाकननं  
नगर, दरबार आनन्द, छायपिल ज्ञान ह्वया  
राज्य मखु ज्ञान तधं, सजिव शाश्वत जुया ।




॥३८॥

फागु पुन्हिया दिं, बुद्ध कपिलवस्तु नगरे वल  
शान्ति सुधाया वर्षा, सकलया दुःख फुतकल  
जन-जनया हृदयसं करुणाया स्वां ह्वल  
बुद्धया आगमनं, नगरय् ज्ञानया जः थित ।




॥३५॥

यशोधरां बुद्ध नृत्योने, यात नम्र बन्दना  
मिखाय् ख्वबि, हृदयसं शान्ति, करुणा क्यना  
मौन बाजी प्रेमया भाषा, बियोग जुल मधूर  
ज्ञान व त्यागया महिमां, जीवन जुल संगम ।




॥४०॥

निग्रोधाराम्य नन्दकुमारात् प्रवजित यात्  
राहुलयात् यशोधरा धन घः फोके छ्वतः  
“जित अंश व्यू” या लिसः सप्तार्यधन बिल  
उगु इलय् सकसित धम्मपाल जातक न्यंकल




॥४१॥

अनाथपिण्डिक महाजन, श्रद्धा मन्यु काल  
जेतवन बिहार दान बिल, बुद्धमार्ग्य पलाः तल  
स्वार्थ मदुगु दानं, जगत्यु अग्रम्ह दानी जुल  
करुणा, धर्म, धरती बुद्ध शासन च्वन्त्याकल ।





॥४२॥  
मल्ल तय्गु देय्, बुद्ध बिज्यात अनुप्रिय गाः  
शान्ति व सत्यया हसना इन थाय् थासय्  
जन-जने चेतना ह्वला जुरुजारुं थना  
सकल बुद्धया शरणय् वल "बहुजन" थुइका ।




॥४३॥

शुद्धोधन महाराज श्वेतछत्रया क्वय अर्थात जुल  
प्रजापति गौतमी यह शिरमुण्डन याना काषाय वस्त्र काल  
धर्म, विनय व तथागत शासन ध्वाथुइल  
प्रव्रजित जुम्ह यशोधरां निब्बाण प्राप्त यात










॥४६॥


वेलुवन ग्रामया वर्षावास, अन्तिम जुल महान  
बुद्धं विल जगतयात धर्मोपदेश व ज्ञान  
शारीरिक रोगयात ध्यान समापति दमन  
मौन वाणी शान्तिया जःपा, सत्य ।





॥४८॥

जीवन मरणया रहस्य थुइकल वयकनं  
वंगलसिमा क्वय् चीरन्त्यले बुद्ध जुल महान  
बुद्धया सन्हास नापं स्तब्ध जुल सकल  
महापरिनिर्वाणं अमर यात जग सकभन ।



॥४५॥

दुःखया सत्यं शुद्धकलं बुद्धं महान्  
दुःखया कारणं तृष्णां त्वहे प्रमुखं ज्ञानं  
दुःखनिवृत्तिया लै क्यंन सम्यकं ज्ञानं  
अष्टाङ्गं मार्गं खः मुक्तिया, युक्तिं दिव्यं ज्ञानं ।

॥५०॥

राजकुमार सिद्धार्थ खुदँया दुष्कर चर्या हे याना  
मध्यम् मार्गया लँपु खंका बुद्ध हे जुम्ह  
सत्त्वप्राणीपिनि उपर्य् दिव्य करुणा हे तथा  
धर्मस्कन्ध प्यखेरं इना महानिर्वाण पदवी हे थ्यंम्ह ।

